

## SAMPYKKT

### um breytingu á samþykkt um stjórn og fundarsköp Akraneskaupstaðar nr. 517/2000, með síðari breytingum.

#### 1. gr.

1. mgr. 44. gr. samþykktarinnar verður svohljóðandi:

Bæjarstjórn skal á fyrsta fundi að afloknum bæjarstjórnarkosningum kjósa þrjá bæjarstjórnarmenn í bæjarráð til eins árs og á árs fresti eftir það á hverjum fundi þegar heilt ár hefur liðið frá sveitarstjórnarkosningum. Aðalmenn í bæjarstjórn eru einir kjörgengir sem aðalmenn í bæjarráð. Varamenn í bæjarráði eru aðal- og varamenn í sveitarstjórn, sem kosningu hafa hlotið af sama framboðslista og hinn kjörni bæjarráðsmaður og skulu þeir taka sæti í ráðinu eftir þeirri röð sem þeir skipuðu á framboðslista viðkomandi bæjarráðsmanns.

#### 2. gr.

57. gr. orðast svo:

Bæjarstjórn kýs fulltrúa í eftirtaldar nefndir, ráð, stjórnir og embætti:

A. **Til eins árs.** Á fundi í júní ár hvert:

*Bæjarráð.* Þrjú bæjarstjórnarmenn sem aðalmenn og jafnmargir til vara skv. 38. gr. sveitarstjórnarlaga nr. 45/1998.

B. **Til fjögurra ára.** Á fyrsta eða öðrum fundi að afloknum bæjarstjórnarkosningum:

1. *Almannavarnanefnd.* Tveir aðalmenn og jafnmargir til vara skv. 8. gr. laga um almannavarnir nr. 94/1962.
2. *Atvinnumálanefnd.* Fimm aðalmenn og jafnmargir til vara. Nefndin er bæjarstjórn til ráðuneytis í atvinnumálum sérstaklega er varðar nýjar atvinnugreinar. Nefndin skal, eftir því sem tilefni gefast til, gera tillögur til bæjarstjórnar og annarra opinberra aðila um aðgerðir til styrktar eða eflingar atvinnulífi í sveitarfélaginu. Hún annast umsjón markaðs- og atvinnumála á Akranesi og gerir tillögur til bæjarstjórnar um þau mál svo og varðandi átaksverkefni og önnur mál sem varða atvinnulíf á Akranesi.
3. *Búfjárefntirlitsmaður.* Einn og annar til vara skv. 9. gr. laga um búfjárhald, forðagæslu o.fl. nr. 46/1991.
4. *Byggingarnefnd.* Fimm aðalmenn og jafnmargir til vara skv. 6. gr. skipulags- og byggingarlaga nr. 73/1997. Nefndin annast húsverndunarmál og er bæjarstjórn til ráðuneytis um verndun húsa. Byggingarnefnd skal fjalla um ferlimál fatlaðra og stuðla að bættu aðgengi fatlaðra að byggingum og öðrum mannvirkjum.
5. *Fulltrúaráð Brunabótafélags Íslands.* Einn aðalmaður og annar til vara skv. 9. gr. laga um Eignarhaldsfélagið Brunabótafélag Íslands nr. 68/1994.
6. *Fulltrúaráð Grundatangahafnar.* Fjórir aðalmenn og fjórir til vara samkvæmt reglugerð um Grundatangahöfn nr. 214/1980.
7. *Fulltrúaráð Fjölbrautaskóla Vesturlands á Akranesi.* Fimm aðalmenn og jafnmargir til vara samkvæmt samningi sveitarfélaga á Vesturlandi um rekstur skólans dags. í janúar 1987.
8. *Hafnarstjórn Grundatangahafnar.* Tveir aðalmenn og jafnmargir til vara samkvæmt reglugerð um Grundatangahöfn nr. 214/1980.
9. *Hafnarstjórn.* Fimm aðalmenn og jafnmargir til vara skv. 4. gr. hafnalaga nr. 23/1994.
10. *Tómstunda- og forvarnanefnd.* Fimm aðalmenn og jafnmargir til vara. Tómstunda- og forvarnanefnd er bæjarstjórn til ráðgjafar í tómstunda-, íþrótta-, æskulýðs- og forvarnamálum. Nefndin annast undirbúning hátíðarhalda á 17. júní og annarra samkoma samkvæmt ákvörðun bæjarstjórnar. Þá fer nefndin með æskulýðsmál, menningarmál

- æskunnar og samskipti við stofnanir bæjarins og æskulýðsfélög. Nefndin fer með málefni Bíóhallar samkvæmt skipulagsskrá frá 1986.
11. *Félagsmálaráð*. Fimm aðalmenn og jafnmargir til vara skv. 5. gr. laga um félagsþjónustu sveitarfélaga nr. 40/1991. Ráðið fjallar um framfærslumál, um barnavernd, sbr. barnaverndarlög nr. 80/2002, heimilishjálp, þjónustu við aldraða og almenna félagslega þjónustu, sbr. lög um félagsþjónustu sveitarfélaga nr. 40/1991. Félagsmálaráð fjallar um jafnréttismál, sbr. lög nr. 96/2000 um jafna stöðu og jafnan rétt kvenna og karla. Félagsmálaráð annast þau mál sem húsnæðisnefndum eru falin samkvæmt lögum nr. 44/1998 um húsnæðismál.
  12. *Skipulags- og umhverfisnefnd*. Fimm aðalmenn og jafnmargir til vara skv. 6. gr. skipulags- og byggingarlaga nr. 73/1997. Að auki er nefndin bæjarstjórn til ráðuneytis í umferðarmálum og skal gera tillögur um bættar samgöngur innan bæjarins og um aukið öryggi fyrir vegfarendur. Þá fer nefndin með umhverfismál á Akranesi. Nefndin er bæjarstjórn einnig til ráðuneytis í umhverfismálum og tekur starfssvið nefndarinnar m.a. til náttúruverndar og varna gegn hvers kyns mengun, sbr. lög nr. 93/1996 um náttúruvernd. Nefndin fer með málefni sem snerta gróðurvernd, sbr. 19. gr. laga um landgræðslu nr. 17/1965. Enn fremur skal nefndin annast veitingu viðurkenninga til einstaklinga og fyrirtækja fyrir snyrtilegt umhverfi. Nefndin kalli til ráðuneytis fulltrúa þeirra samtaka sem láta sig umhverfismál varða þegar veittar eru viðurkenningar.
  13. *Heilbrigðisnefnd Vesturlands*. Sveitarstjórnirnar á svæðinu kjósa sameiginlega fimm aðalmenn og jafnmarga til vara í nefndina skv. 11. gr. laga um hollustuhætti og mengunarvarnir nr. 7/1998.
  14. *Kjörstjórn*. Þrjú aðalmenn og jafnmargir til vara skv. 14. gr. laga um kosningar til sveitarstjórna nr. 5/1998 og 15. gr. laga um kosningar til Alþingis nr. 24/2000.
  15. *Meningarmála- og safnanefnd*. Fimm aðalmenn og jafnmargir til vara. Nefndin skal vinna að málefnum safna og menningarstofnana á Akranesi. Hún skal stuðla að framgangi hvers kyns menningarstarfsemi í samstarfi við félagasamtök og hópa sem starfa að menningarmálum. Nefndin fer auk þess með eftirfarandi verkefni:  
Stjórn héraðsbókasafns og héraðsskjalasafns Akraness, en héraðsnefnd Borgarfjarðarsýslu skipar einn fulltrúa fyrir hreppa sunnan Skarðsheiðar til að fjalla um málefni héraðsbókasafnsins. Starfað skal samkvæmt lögum nr. 36/1997 um almenningubókasöfn og lögum nr. 66/1985 um Þjóðskjalasafn Íslands.
  16. *Skóðunarmenn*. Tveir aðalmenn og jafnmargir til vara skv. 69. gr. sveitarstjórnarlaga nr. 45/1998.
  17. *Skólanefnd*. Fimm aðalmenn og jafnmargir til vara skv. 13. gr. laga um grunnskóla nr. 66/1995. Nefndin annast einnig málefni leikskóla, sbr. lög nr. 78/1994, og Tónlistarskóla Akraness.
  18. *Starfskjaranefnd*. Þrjú aðalmenn samkvæmt grein 12.1 kjarasamnings STAK og Akraneskaupstaðar.
  19. *Stjórn Byggðasafns Akraness og nærsveita*. Fimm aðalmenn og fimm til vara. Stjórnin starfar samkvæmt skipulagsskrá.
  20. *Stjórn Dvalarheimilisins Höfða*. Fjórir aðalmenn og jafnmargir til vara samkvæmt skipulagsskrá frá júní 1974.
  21. *Stjórn Lífeyrissjóðs Akraneskaupstaðar*. Einn aðalmaður og annar til vara samkvæmt reglugerð sjóðsins frá 15. janúar 1990.
  22. *Stjórn Sjúkrahúss og heilsugæslustöðvar Akraness*. Þrjú aðalmenn og jafnmargir til vara samkvæmt lögum um heilbrigðisþjónustu nr. 97/1990.
  23. *Undirkjörstjórnir*. Þrjú aðalmenn í hverja undirkjörstjórn og jafnmargir til vara.
  24. *Stjórn Orkuveitu Reykjavíkur*. Kosning eins aðalmanns og eins til vara.

25. *Landsþing Sambands íslenskra sveitarfélaga*. Fjórir aðalmenn og jafnmargir til vara.  
 26. *Aðalfundur Samtaka sveitarfélaga á Vesturlandi*. Fimm aðalmenn og jafnmargir til vara samkvæmt samþykktum SSV.

Samþykkt þessi, sem samin er af bæjarstjórn Akraneskaupstaðar samkvæmt ákvæðum 10. og 25. gr. sveitarstjórnarlaga, nr. 45/1998, staðfestist hér með til að öðlast þegar gildi.

*Félagsmálaráðuneytinu, 1. júlí 2002.*

F. h. r.

**Hermann Sæmundsson.**

*Guðjón Bragason.*

## SAMÞYKKT

### um breytingu á samþykkt um stjórn og fundarsköp Hríseyjarhrepps nr. 381/1999, með síðari breytingum.

51. gr. samþykktarinnar orðast svo:

51. gr.

Sveitarstjórn kýs fulltrúa í eftirtaldar nefndir, ráð og stjórnir:

- A. **Til eins árs.** Á fundi í júní ár hvert:  
 Oddvita sveitarstjórnar og varaoddvita.
- B. **Til fjögurra ára.** Á fyrsta eða öðrum fundi að afloknum sveitarstjórnarkosningum:
1. *Skoðunarmenn*. Tveir aðalmenn og jafnmargir til vara skv. 69. gr. sveitarstjórnarlaga nr. 45/1998.
  2. *Jafnréttis- og félagsmálanefnd*. Þrír aðalmenn og þrír til vara skv. 5. gr. laga um félagsþjónustu sveitarfélaga nr. 40/1991 og 10. gr. laga um jafna stöðu og jafnan rétt kvenna og karla nr. 96/2000.
  3. *Umhverfisnefnd*. Þrír aðalmenn og jafnmargir til vara. Nefndin fjallar um og gerir tillögur til sveitarstjórnar um fegrun staðarins, holræsamál o.fl.
  4. *Menningar- og ferðamálanefnd*. Fimm aðalmenn og jafnmargir til vara. Nefndin fjallar um og gerir tillögur til sveitarstjórnar um málefni ferðaþjónustu. Nefndin sér um rekstur bókasafns skv. 7. gr. laga um almenningsbókasöfn nr. 36/1997 og vinnur að öðrum menningarmálum á vegum sveitarfélagsins.
  5. *Hafnarsamlag Eyjafjarðar*. Tveir aðalmenn og jafnmargir til vara skv. 4. gr. hafnalaga nr. 23/1994.
  6. *Atvinnumálanefnd*. Fimm aðalmenn og jafnmargir til vara. Nefndin vinnur að og kemur með ábendingar til sveitarstjórnar um atvinnumál.
  7. *Kjörstjórn*. Þrír aðalmenn og jafnmargir til vara skv. 14. gr. laga um kosningar til sveitarstjórna nr. 5/1998 og skv. 15. gr. laga um kosningar til Alþingis nr. 24/2000.
  8. *Skólanefnd grunnskóla, tónlistarskóla og leikskóla*. Þrír aðalmenn og jafnmargir til vara skv. 18. og 19. gr. laga um grunnskóla nr. 49/1991, samkvæmt lögum um leikskóla nr. 48/1991 og lögum um fjárhagslegan stuðning tónlistarskóla nr. 75/1985.
  9. *Æskulýðsnefnd*. Þrír aðalmenn og þrír til vara. Nefndin hefur eftirlit og umsjón með æskulýðs- og íþróttastarfi á vegum sveitarfélagsins, sbr. íþróttalög nr. 64/1998 og lög um æskulýðsmál nr. 24/1970.